

善本書室藏書志

善本書室藏書志卷二十七

錢塘丁丙松生甫輯

集部六

西溪文集十卷

吳石倉鈔本

翰林學士右諫議大夫知制誥充羣牧使兼判吏部流內銓判尙書禮部長興縣開國伯食邑八百戶輕車都尉賜紫金魚袋沈名

同音文通

文通錢塘人初以蔭爲郊社齋郎皇祐元年舉進士第一因已官者不應先名士改置其次終於翰林學士宋史有傳嘗知杭州精明詳敏開南井以通水利今稱沈公井有祠祠在柴垛橋俗稱沈亞太尉廟其後裔尙有居清泰門者見厲鶚東城雜記直齋書錄稱集十卷南宋初高布與雲巢集長興集合刻於括蒼此卷尾有從事郎處州司理參軍高布重校兼監雕一行又

文通之名注御名同音猶是紹興時舊式明萬曆時復刻者字畫粗率是本乃康熙戊戌吳氏允嘉鈔校善本有吳允嘉印石倉州來藏書記石倉手校諸印

錢塘韋先生文集十八卷

舊鈔本

吳氏瓶花齋藏書

宋韋驥撰驥字子駿錢塘人皇祐五年進士知袁州萍鄉縣歷福建轉運判官主客郎中出爲夔路提刑建中靖國初除知明州以左朝議大夫提舉杭州洞霄宮卒其事蹟不見宋史此集後跋云先大父文彙二十卷家藏日久以季父參議攜往別墅最後二卷遺失不可復得能定大懼歲月寢遠復有亡逸以墮先志謹命工鈔木於臨汀郡庠時乾道四年五月中泮孫右奉直大夫知汀州軍州主管學事兼管內勸農使能定謹題原闕一二兩卷後附陳師錫撰墓誌銘按四庫著錄僅十四卷

安岳馮公太師集十二卷

知不足齋鈔本

嘉定十二年簡池劉光祖馮太師集序稱故祠部郎中贈太師安岳馮公諱山字允南在熙豐間不能苟合於新法辟臺官不就天下高之元祐以來因范醅夫薦始立朝爲郎而公卒矣文集三十卷大瀘周氏子銳與其子尙書左丞澥之文集合以錢木劉序之外並有梧溪散人何德固叔堅序今澥集久亡而山集亦僅存詩十二卷與徐氏傳是樓書目所闕相同山初名獻能嘉祐二年進士此本乃鮑廷博鈔本有世守陳編之家歛西長塘鮑氏知不足齋藏書諸印尾有趙之玉校四字

南豐先生元豐類稿五十卷附一卷

明嘉靖刊本

吳門陸氏藏書

宋曾鞏撰鞏字子固南豐人嘉祐二年進士官至中書舍人宋史有傳子固師事歐陽永叔早著文名其文慄鷲奔放雄渾瓌偉頗似劉向而貌韓愈以下也韓持國爲神道碑稱類稿五十卷續四十卷外集十卷散逸之餘惟五十卷存舊有宋元豐八

年王震序元大德甲辰東平丁思敬跋附錄公之行狀及碑銘  
哀挽等篇明嘉靖時侍御金谿黃希憲重刊并載成化時王一  
夔羅倫兩序嘉靖末仁和陳克昌因是版敝朽剔其污漫更新  
之有其自跋有陸敬儼若陸樹蘭余名曰僕吳門陸僕鑒藏沈  
諸印

南豐先生元豐類稿五十卷附一卷

明嘉靖刊本

明進士巡按湖廣監察御史後學姑蘇王杵校刻

前有元豐八年年三槐王震序翰林修撰湖西羅倫序成化六  
年左春坊左諭德豫章王一夔序又朱子撰先生年譜前後序  
續元豐類稿序說少師文定公遺像并贊附錄卷後有大德甲  
辰東平丁思敬跋仁和陳克昌後序其末又有正統十二年姜  
洪跋云洪得疾告歸過宜興訪鄒大尹孟旭且爲洪道其得類  
稿寫本於國子司業毘陵趙公琬謀刻之繼又得南畿工部侍

郎廬陵周公忱示以官本彼此參校刻梓云云仍屬舊序也而  
巡按王忬重刻之序已佚去矣

洛陽九老祖龍學文集十六卷

舊鈔本

龍圖閣學士左諫議大夫上柱國范陽郡開國侯食邑二千八百  
戶賜紫金魚袋祖無擇撰

宋史本傳無擇字擇之上蔡人進士高第歷轉運使入直集賢  
院時封孔子後爲文宣公無擇言以祖諡而加後嗣非禮也於  
是議改衍聖公同修起居注知制誥加龍圖閣學士嘗出知陝  
府歐陽永叔餞行有句云右授文章煥星斗始名集曰煥斗值  
王安石專政不能進用晚與文潞公富鄭公司馬溫公諸賢爲  
眞率會洛中謂之九老故又名洛陽九老祖龍學集卽此集也  
一卷至十卷爲公所著內五六兩卷係與歐陽修梅堯臣李覲  
唱和集十一十二卷名賢投贈詩十三卷鄭隱祖岳神仙傳并

諸名士跋崑乃公之叔祖十四十五卷姪孫德泰撰祖士衡紫  
微始末并士衡所著西齋雜記及文三首士衡乃公之叔十六  
卷祖無頗提刑始末及敕書與記跋并附挽提刑子德恭詩三  
首卷後爲祖氏源流及龍學始末而紹定己丑趙體國爲後跋  
按龍學會出守吾杭其詩文散見於咸淳臨安志乃名宦之一  
也

宛陵先生集六十卷拾遺一卷附錄三卷

明萬曆刊本 汪魚亭藏書

宋宛陵梅堯臣聖俞著

堯臣字聖俞宣城人少以蔭補吏累舉進士輒抑於有司以屯  
田都官員外郎終宋史有傳都官崛起宋天聖間承西崑靡濫  
之後盪滌餘滓力追大雅王文康曰二百年未有此作歐公則  
曰當作爲雅頌薦之清廟其見推於當代如此謝景初始編其  
集僅十卷陳振孫謂五十九卷爲詩其他文賦纔一卷歐公序

之宋紹興中汪伯彥重刊並爲序其後明正統己未宣城太守  
袁旭廷輔又刻以傳序者爲少師兵部尚書楊士奇此爲萬歷  
間裔孫所梓卽祖袁本後有附錄三卷前有汪魚亭藏閱書印  
無爲集十五卷 舊鈔本 曹潔躬鮑深飲藏書

宋楊傑撰傑字次公無爲軍人自號無爲子嘉祐四年進士元  
豐中歷官禮部員外郎出知潤州除兩浙提點刑獄宋史入文  
苑傳生平所著湮沒不傳紹興癸亥趙士彪守無爲詢公文成  
餘搜獲有補於教化者編次成集分爲十五卷若釋道二家詩  
文則見諸別集云今別集不傳所存惟此與直齋書錄卷數相  
合有曹溶之印潔躬遺稿天留世守陳編之家老屋三間陽書  
萬卷歛西長塘鮑氏知不足齋藏書印喜借人看時思誤書亦  
是一適好書堆案轉甘貧九印

王魏公集八卷

舊鈔本



宋王安禮

安禮字和甫臨川人登嘉祐六年進士第歷官翰林學士知開封府尚書左丞遷資政殿學士知太原府宋史有傳安石兄弟三人安國數以正議見絀集亦沒失安禮頗以經濟自任知湖潤二州均不檢罷然未嘗以兄之新法爲然宋史藝文志直齋書錄解題並稱集二十卷明時猶見於棗竹堂書目歲久湮沒館臣錄自永樂大典釐爲八卷此爲編鈔底本有翰林院印已不甚可辨矣存此以見館中程式

太史范公文集五十五卷

舊鈔本

宋范祖禹撰公文章剴切明暢集中所上喪服疏進德愛身疏保護聖躬疏言甚切直其忠君愛國之念溢於言表所著表狀中內有五卷是代文潞公富韓公韓康公所作言詞明暢朱子云四六語佳莫如范滔夫其推重者如此馬攷陳錄皆作五十

五卷與此本合

文潞公文集四十卷

明嘉靖刊本

張芷齋藏書

宋文彥博撰彥博字寬夫介休人相仁宗官太師封潞國公諡忠烈宋史有傳石林葉氏序略云公生平所有文章上自朝廷典冊至於章奏議論下及詞賦歌詩間適之辭世猶未盡見兵興以來故家大族多奔走遷徙於是公之集藏於家者散亡無餘其少子維申稍討求追輯猶得二百八十六篇編次爲二十卷而直齋書錄解題則稱集四十卷補遺一卷此爲明嘉靖五年平陽解州判官高陵呂柟所序云沁水李司徒公叔淵家有鈔本字多差譌巡按山西潘江初公啟昭命柟校正平陽守王子濟刊本以行初乃嘉靖時山西巡鹽御史也有張載華印佩兼松下藏書芷齋圖籍四印

伊川擊壤集二十卷

明成化刊本

汪秀峰藏書

伊川邵雍堯夫

按宋元槧本皆作二十卷此本前有成化乙未花朝希古引而不著姓名中有待問之暇披閱再四重鈔廣惠來學疑出自藩邸之手次有治平丙午中秋雍自序後附集外詩十三章元祐辛未原武邢恕序更有成化庚子副都御史畢亨序稱登進士後於御史晉陽王濬家得擊壤集欲梓未暇後尹應天始克刊行及致政取版回洛而郡守劉公尙文勗建安樂窩書院遂以此版授焉邢恕字和叔宋史有傳王濬蒲州人宣德丁未進士畢亨山東單縣人河南衛軍籍景泰甲戌進士官應天府尹進副都御史四庫著錄與天祿琳琅收藏皆此本也有新安汪氏啟淑會稽魯氏貴讀樓藏書印

伊川擊壤集二十卷

明毛氏刊本

伊川邵雍堯夫

前有治平丙午自序其集其子伯溫乞原武邢恕爲後序云先生寄意於唐虞之際故自名其詩曰擊壤集北宋建安蔡子文刊者題康節先生擊壤集作丙集十二卷外集三卷後有蔡弼題語龜山語錄所稱須信畫前原有易自從刪後更無詩一聯諸本皆佚此獨有者是也元槧本則作二十卷較毛刻多詩五十餘首此卽毛晉從道藏本繕刊者先兄嘗得一殘本款式類毛本有無名公邵康節先生傳邢恕後序嘉靖甲子龍溪王畿後序萬曆乙巳吳元維序丙午吳應試序印本尙完附訂此帙以備攷證

伊川擊壤集八卷

明隆慶刊本

此爲明隆慶丁卯陽羨萬士和改編并序云舊刻無善本且諸體雜出因分類成帙屬江陰黃吉甫刻之分三言四言五言絕句五言古詩五言律詩五言排律七言絕句七言律詩七言排

律有無名公傳治平丙午中秋自序吳尺鳧繡谷薰習錄所收

亦此本

鄱陽先生文集十二卷

舊鈔本

吳瑣川汪魚亭藏書

彭汝礪器資

汝礪鄱陽人治平二年進士第一歷官權吏部尙書出知江州

宋史有傳宋藝文志載集四十卷此舊鈔本一至三古詩四至

十律詩十一十二絕句標題仍曰文集當時詩文並刊今文佚

詩在耳有瑣川吳氏收藏圖書汪魚亭藏閱書兩印

南豐曾文昭公曲阜集三卷附錄一卷

明鈔本  
怡府藏書

宋曲阜侯謚文昭南豐曾肇子開著明魁星里十九世裔孫思孔

校

謹按 四庫著錄本爲康熙中肇之裔孫儼等掇拾編次別爲

四卷此乃明萬曆己亥十九世裔思孔所輯前有萬曆癸卯太

子太保工部尚書復詔起南京吏部尚書南豐常侍裔吉水泉湖里同亨撰序云太平興國間密公以經術起閭巷蔚爲東南之冠再傳舍人子固先生實踵厥武時弟內翰子開先生復比肩出文章德業不愧難兄前後著書多至百三十卷不幸厄兵燹又不幸通都大邑無僅存者歲庚子宗弟習卿葺譜出一編相眎曰此先學士遺文之十一也思孔序稱公治平中舉進士歷官中外有聲會修仁英兩宗正史擢起居舍人慨然以謏論自任繇太后柄臣與夫郊禋大典國故民艱率引經執義屹爲三朝型範而奏議亦大行於世宋而下宇宙凡幾大變書闕有間矣思孔大懼久且益漚乃從先代所貯叢書中得公遺奏議若干篇釐爲上下集諸詔誥制表文若詩附焉繕梓以示將來附錄宋史傳行述有樵李曹氏曹溶秋岳三印安樂堂藏書印明善堂覽書畫印記蓋先藏倦圃後歸怡邨者也

南陽集三十卷附錄一卷 舊鈔本

宋韓維撰維字持國乃億之第五子開封雍邱人由廕入仕英宗朝除知制誥神宗卽位爲翰林學士元祐初拜門下侍郎於宣仁垂簾日言事切直爲時所忌命分司南京兄康公上章乞改近郡移知汝州就差知潁昌府累章乞休以太子少傅致仕紹聖中坐黨籍安置均州元符中復官卒封南陽郡公集之所由名也韓元吉是其元孫南澗甲乙稿有高祖宮師文編序云文編僅三十卷兵火之後所輯非舊本也小子欲俟備而傳恐有河清之歎因哀而刊之東陽郡齋前載鮮于綽行述後載外孫沈晦跋語凡詩十四卷內外制四卷王邸記室三卷中闕一卷奏議五卷表章雜文碑誌三卷手簡歌詞一卷附錄一卷而馬氏通攷題文集二十卷詩集三卷陳氏書錄因其所官之地而作潁昌人似皆誤也此舊鈔本凡遇皇帝及陛下先帝太皇

太后或提行或空格猶有宋刊舊式疑從東陽本而出惜二十  
七卷以後並有闕文無別本可校補耳

節孝先生文集三十卷語錄一卷

元刊本

宋徐積撰宋史本傳積字仲車山陽人治平四年進士元祐初  
年過五十以薦爲楚州教授改宣德陳振孫云積以耳聵不能  
仕事母極孝行義純篤政和中賜諡節孝處士東坡志林云仲  
車古之獨行也然其詩文則怪而放如玉川子集爲涪旃庚戌  
淮南東路提點刑獄兼轉運判官王夬亨序淮安州教授翁蒙  
正重編景定甲子刻本也舊有紹興戊辰一跋稱萃備員山陽  
時太守王直閣訪其遺稿數萬言命萃鏤版以廣其傳卽夬亨  
序所云山陽舊刻是也前存事實一卷後增門人江端禮錄節  
孝先生語錄一卷是爲二程語錄之濫觴末有許及之跋此本  
脫事實并失前序按吳焯繡谷薰習錄云曝書亭本有皇慶癸



丑王霄賓序元刻增節孝像及題贊明嘉靖刻又增祠堂記余所見元版漫漶不及景定刊本此無祠堂記字多漫漶是元刻也

歐陽文忠公全集一百五十三卷附錄五卷

明嘉靖庚申刊本

宋歐陽修撰修字永叔吉州人天聖八年進士累遷知制誥夏竦以修黨於杜韓范富因污以外甥張氏事下治無狀坐用張氏匱物市田出知滁州召入修唐書爲翰林學士未幾參知政事年六十乞致仕卒謚文忠全集爲居士集五十卷外集二十五卷易童子問三卷外制集三卷內制集八卷表奏書啟四六七卷奏議十八卷雜著述十九卷集古錄跋尾十卷書簡十卷前有宋周必大序次蘇軾居士集序次六一先生小引并李端叔晁說之贊次國史本傳次胡柯撰年譜一卷并記云文忠公年譜不一惟桐川薛齊誼廬陵孫謙曾三異三家爲詳今參稽

眾譜旁採史籍而取正於公之文凡居士集外集各於目錄題所撰歲月而闕其不可知者奏議表章之類則隨篇注之定爲文集一百五十三卷攷公行狀惟闕辭榮集一卷往往散在外集更俟博求別有附錄五卷紀公德業并有記神清洞一卷每卷末附攷異并熙甯五年秋七月男發等編定紹熙二年三月郡人孫謙益校正二條卷尾有編定校正銜名紹熙二年郡人孫謙益字彥摛紹熙三年承直郎前桂陽軍軍學教授丁朝佐字懷忠紹熙四年郡人鄉貢進士曾三異字無疑紹熙五年郡人登仕郎胡柯字伯信覆校慶元元年州縣學職事葛泓字德源王伯芻字駒甫朱岑字山父胡柄字謙甫慶元二年郡人迪功郎新臨江軍清江縣主簿曾煥字文卿郡人鄉貢進士胡漢字季亨郡人鄉貢進士劉贊字業仲郡人羅泌字長源卷百五十三卷後有嘉靖庚申何遷重刻跋有擁書樓印汪屋印信兩

圖記鈐於首

歐陽文忠公集一百五十三卷年譜附錄六卷

明正德吉州刊本

直齋書錄謂公一代文宗其集徧行海內而無善本周益公解相印歸用諸本編校定爲此本且爲之年譜曰居士集外集而下至於書簡集凡十名刊之家塾云必大序曰歐公集自下京江浙閩蜀皆有之後傳錄既廣或以意改至譌謬不可讀屠陵所刊抑又甚焉久欲訂正而患寡陋未能也會鄆人孫謙益直郎丁朝佐編搜舊本傍采先賢文集與鄉貢進士曾三異等互加編校起紹興辛亥春迄慶元丙辰夏成一百五十三卷爲附錄五卷惟居士集經公決擇篇目素定而參校眾本有損其辭至百字者有移易後章爲前章者皆已附注其下如正統論吉州學記瀧岡阡表又迥然不同則收真外集自餘去取因草粗有依據或不必存而存之各爲之說列於卷末按此本

每卷小名在上大名在下統排卷數各卷後有熙寧五年秋七月男發等編定紹熙二年三月郡人孫謙益校正二行各附攷異黑質白文以別之末有編定校正覆校十二人銜名明天順六年海虞程宗知吉安府廣求公集得之於胡文穆公家因翻刻於郡雲間錢溥爲之序尙有彭勛一序已佚至宏治辛亥姑蘇顧天錫福復刻之王臣爲跋踰三十年至正德庚午慈溪劉喬繼守是郡命工又梓自爲之跋

歐陽文集五十卷

明嘉靖刊本

陳仲魚藏書

宋廬陵歐陽修撰書錄解題曰歐公一代文宗其集徧於海內而無善本宋史藝文志載修諸集之中惟居士集五十卷爲晚年自編卷末有熙寧五年男發等編定按年譜公以是年閏七月卒則此五十卷是當時手定本蘇文忠居士集序稱得其詩文七百六十六篇於其子棐則編時去留慎重可以想見天

蘇琳琅載宋刊居士集後題吉州公使庫開到六一居士集計五十卷宣和四年九月記是爲北宋以前刊本至慶元間周益公始用諸本序而彙刊此嘉靖二十二年太子太保刑部尙書蘭谿唐龍序謂浙江按察副使歐陽子冲菴清裔出廬陵念文忠公全集雖旁行於世而卷帙浩繁白屋之士皓首弗獲爲憾迺取居士集授處州守李子冕翻刻之前列蘇公序及年譜末有陳氏仲魚小印

歐陽先生文粹二十卷

明刊本

右爲吳會郭雲鵬校勘刻於寶善堂目錄後有宋儒聚精小木記前列蘇子瞻祭歐文忠公文二篇曾子固王介甫祭文各一篇後列乾道癸巳九月朔陳亮序卷數疑雲鵬分編 四庫著錄者此本也有雙石草堂印

歐陽先生文粹五卷

宋刊巾箱本

明陳九川沈辨之藏書

前列門人蘇軾撰六一居士文集序次蘇子瞻王介甫曾子固又子瞻祭歐陽文忠公文四篇次目錄凡五卷後接乾道癸巳九月朔陳亮序稱右歐陽公文粹一百三十篇公之文根乎仁義而達之政理雖片言半簡猶宜存而不削願猶有所去取其間毋乃不知其旨敢於犯是不韙而不疑也子姑撮其通於時文者以與朋友共之 四庫提要云修著作浩繁亮所選不及十之一二似不足盡其所長然攷周必大序謂居士集經公決擇篇目素定而參定眾本迥然不同如正統論吉州學記瀧岡阡表皆是也今以此本校之與必大言之正合云云洵亮別有見地矣按龍川六一文粹宋史不著錄至明時始見諸家藏目皆二十卷似 四庫館或僅據郭雲鵬所粹文遺兩粹析而著錄歟此宋刻巾箱本每葉二十八行行二十六字字極精湛棉紙背有宋時公牘并鈐宋印亮字同父永康人紹興中進士第

一授僉書速康府判官廳公事宋史有傳卷端及末有陳九川  
收藏圖籍印又有沈與文印姑餘山人吳郡沈文辨之印繁露  
堂圖書印及江德量觀諸圖記永康胡鳳丹小跋九川字惟濬  
號明水臨川人正德九年進士官太常博士陞禮部儀制司郎  
中崇祀鄉賢與文字辨之號姑餘山人蘇州人其藏書處曰野  
竹齋儲藏祕本甚多

歐陽先生遺粹十卷

明刊本

明吳郡郭雲鵬以陳龍川所錄歐陽文粹百三十篇未盡其美  
更補輯是編爲文八十三篇雲鵬字萬程刻李杜集甚精

文定張公樂全先生集四十卷附行狀一卷

舊鈔本

宋張方平撰方平字安道宋城人舉茂材異等爲校書郎歷官  
參知政事贈司空諡文定自號樂全居士因以名集集四十卷  
與宋藝文志所載合門人蘇軾序後附王鞏行狀鞏稱別有內

外制辭雜著二十卷名玉堂集劉忠肅爲序則在此集之外也  
此舊鈔通體完善當從宋本鈔出

樂全先生集四十卷附錄一卷

舊鈔本

前有門人眉山蘇軾撰序目錄一卷行狀一卷中有校勘條記  
後柯溪識云他日得假願氏殘宋本一枝或樂全晦而復顯

范忠宣公文集五卷

宋嘉定刊本 張燕昌藏書

宋范純仁撰純仁文正公之次子也字堯夫以恩補太祝中皇  
祐元年進士第元祐中再入相元符末以大觀文中太乙宮使  
召以疾不赴薨贈開府儀同三司謚忠宣賜其墓碑曰世濟忠  
直集凡二十卷後三卷爲本傳行狀此僅存詩五卷前有正奉  
大夫參知政事兼太子賓客四明樓鑰序按楊紹和楹書隅錄  
載藏范文正公集二十卷別集四卷爲南宋初番陽郡齋所槧  
後題嘉定壬申仲夏重修每半葉十二行行二十字字大悅目



體式古雅劖劂尤精是本亦半葉十二行行二十字遇元祐哲宗徽皇均提行宋紙宋印當與文正集同槧者也有張燕昌印文漁兩印白苗嘉穀一印

重刊嘉祐集十五卷

明嘉靖刊本

陸靖伯藏書

眉山蘇洵

洵字明允眉山人官祕書省校書郎以霸州文安縣主簿修太常因革禮書成而卒有謚法四卷宋史有傳晁氏陳氏馬氏諸家著錄皆十五卷紹興十七年婺州本舊在傳是樓自邵仁滋刊蘇老泉先生全集全失本真閣百詩潛邱札記中說之甚明此乃明嘉靖壬辰太原府重刻本尙是趙宋以來舊第有陸沆之印靖伯吳門陸沆鑒藏三印

重刊嘉祐集十五卷

明刊本

眉山蘇洵

晁公武云至和中歐陽永叔得明允書二十二篇大愛其文以爲買誼劉向不是過也以書獻除校書郎此本繕刻頗工有書稼紹衣勞氏珍藏及小山曾觀周季雲珍藏印傳忠堂藏諸印槧印極精

臨川先生文集一百卷目錄三卷

元刊本

韓世能藏書

宋王安石撰安石字介甫撫州臨川人慶歷三年進士累除知制誥翰林學士熙甯三年拜中書門下平章事七年罷八年再入相九年罷謫文公其壻蔡卞之兄京崇甯初秉政詔配文宣王廟後撤宋史藝文志書錄解題同載集一百卷安石曾孫右朝散大夫提舉兩浙西路常平鹽茶公事王珪於紹興辛未孟秋旦日謹題云曾大父之文籍舊所刊行率多舛誤政和中門下侍郎薛公宣和中先伯父大資皆被旨編定後罹兵火是書不傳比年臨川龍舒刊行尙循舊本珪家藏不備復求遺稿於

薛公家是正精確多以曾大父親筆石刻爲據其間參用眾本  
取舍尤詳至於斷缺則以舊本補校足之凡百卷庶廣其傳云  
瞿氏恬裕齋藏宋刊百卷本每半葉十二行行二十字與此本  
行款同前有吳澄幼清序云宋政和間官局編書諸臣之文獨  
臨川集得預其列靖康之禍官書散失私集竟無完善之本金  
谿危素好古文慨公之集零落搜索諸本增補校訂總之凡若  
千卷比臨川金陵麻沙浙西數處舊本頗爲備悉請予序其成  
又楊士奇跋此書云歐蘇曾王四家全集今書坊皆無刻版獨  
北京有臨川集版在國子監舊崇文閣而所缺什一用之永樂  
八年扈從在北京印二木以一本寄余既已補錄遂以吳草廬  
先生所爲序冠諸首此版心間有嘉靖五年補刊之葉豈卽北  
京本歟有宗伯學士之印韓印世能玉止世家潛夫諸印世能  
字存良長洲人隆慶戊辰進士官至禮部左侍郎有雲頁詩鈔

臨川先生文集一百卷目錄二卷

明嘉靖撫州刊本

時還軒藏書

前有豫章黃次山李岑敘稱紹興重刊臨川集者郡人王丞相介甫之文知州事桐廬詹大和甄老所譜而校也次有嘉靖三十九年江西布政司右參政臨海王宗沐序云德安吉陽何先生巡撫江西表章往哲刻公集於撫州命沐爲序 四庫館臣卽據是本著錄者也有時還軒藏書記琴谿草堂通侯喜忘先生諸印

新刊臨川王先生荆公文集一百卷

明嘉靖臨川刊本

此書版匡狹縮繕刻精整每半葉十一行行二十字前無總目每卷篇目接正文首列吳澄序後有陳九川序云邑侯應君象川刻荆公集成既屬介菴章子序之余適歸復俾序其後嗚呼是文獻之所存也其何敢辭公文章發於經術長雄一代然未嘗刻意殆亦天授乃願寥落不得與歐蘇諸集並流天下撫雝

公桑梓之區而亦無梓焉豈非世儒疵公柑業橫議不明使然耶應侯甯波人公嘗令其邑稱循吏而廟食焉其育苗諸法多試於邑而民便之者侯習知其法施於民也故梓其集於臨川云按臨川縣志職官表應侯名雲鸞象山人嘉靖間任則版爲嘉靖廿年前所刻章介菴序則未見也有趙氏收藏尊光私印畏之諸圖記

王荆文公詩五十卷

元刊本

沈椒園盧抱經藏書

雁湖李璧箋注須溪劉辰翁評點

璧字季章號雁湖居士爲李燾第三子兄曰屋曰塾弟曰暹此題名璧不作璧者是也初以蔭入官後登進士累遷禮部尙書參知政事兼同知樞密院事謚文懿是集乃璧謫臨川時所注亦事賢友仁之義也搜採羣籍引證遺聞迥異附會穿鑿且較世行臨川集多古今體詩七十二首殆當時所據者足本耳劉

會孟從而評點之元時因而刊刻之願傳本極稀武原張氏得元槧摹印始布藝林此本乃元槧元印有南陽講習堂印則曾藏石門呂氏又有紅椒庭院沈廷芳印椒園三印則繼藏沈廉使家惜闕十一至十八又二十三至二十八又三十五至三十八又四十五至四十七凡廿二卷而以別藏盧抱經精鈔翁覃綏手校殘本配其所闕仍闕十一至十四三十五至三十八凡八卷其前之魏了翁序目錄三卷則盧鈔所有也有抱經堂寫校本抱經堂藏盧文弨印然一刊一寫合配成書洵足稱珠聯璧合矣

廣陵先生文集三十卷附錄一卷

王氏十萬卷樓鈔本

宋王令撰令元城人幼隨其叔祖乙居廣陵遂爲廣陵人初字欽美後王萃字之曰逢原折節力學王安石以妻氏之妹妻之年二十八歿遺腹一女適吳師禮生子曰說卽編次是集者此

本蕭山十萬卷樓從趙氏小山堂錄出王端履識云王荆公誌  
逢原墓以爲可以任天下之重而有功於天下者將在於是卒  
在嘉祐四年年僅二十有八是時荆公尙未柄政而推重之如  
是豈其性情執拗有與荆公相似者耶觀荆公與吳司錄書有  
或傳其所爲過當語則剛愎自用可知矣幸而蚤死使與於新  
法之行幾何不與呂惠卿輩爲流亞也有端履私印小數諸印  
廣陵先生文集二十卷附錄一卷

明鈔本 王原祁藏書

宋王令逢原撰外甥吳說編次

集乃公之外孫吳說編次卽師禮之子也有王安石撰墓銘門  
人劉發撰傳中述荆公得先生詩大喜期其材可與其功業於  
天下因妻以夫人之女弟吳氏從先生一年而寡歸治田桑布  
素以待盡其節操論議是皆宜爲先生配先生旣終方得女後  
荆公擇配於吳師禮爲其贈遺書簡詩篇暨逸事別列一卷書

錄解題作三十卷此明鈔本爲二十卷分卷有多寡耳藍格版心有平菴祕錄四字間有朱筆評點及改抹格式或館中底本也有王原祁印曹震甲私印諸印原祁字茂京號龍臺太白州人康熙庚戌進士由給事中改翰林官至戶部侍郎書法大癡尤爲獨絕

重刊蘇文忠公全集一百十五卷

明成化吉州刊本

宋蘇軾撰東坡全集著於四庫者爲蔡士英所刊分類編次凡一百十五卷先是蘇集有杭蜀吉本及建安麻沙諸本歲久版亡傳各零落明成化四年海虞程宗守吉既刊歐集因及於蘇訪得宋時曹訓所刻舊本及仁廟所刻未完本重加校閱仍依舊本梓行一東坡集四十卷一奏議十五卷一應詔集十卷一內制集十卷附樂語一卷一外制集二卷一後集二卷一續集十二卷共一百十卷冠以宋贈太師制敕宋孝宗御製蘇軾



文集序贊宋史本傳王宗稷所撰年譜郡人禮部右侍郎李紹爲之序卽世所稱蘇七集是也其間奏議每卷有目連屬篇第猶存宋時舊式續集晁陳兩家皆不著錄實始於此刻曹訓字子序紹熙後仕江右曾自章貢移守袁州海虞程宗官其舊治刊其舊帙有足記焉者已後嘉靖十三年江西布政司尙有重刊本續集後有南豐縣學教諭繆宗道校正兩行似可取而佐證之

東坡先生詩集注三十二卷紀年錄一卷

明刊本 杭州大宗詳孫花梅黃步唐藏書

宋眉山蘇軾子瞻撰宋永嘉王十朋龜齡纂集明吳興茅維孝若芟閱

按十朋字龜齡樂清人紹興中進士第一官龍圖閣學士諡忠文宋史有傳是書宋元刊本二十五卷題王狀元集諸家注分類東坡先生詩分七十六類或爲汪氏誠意齋集書堂新刊或

爲廬陵某書室刊又爲建安虞平齊務本書坊刊又爲劉安正堂刊久爲書估所依託宜邵長蘅有王注正義之作也此本三十二卷分二十九類十朋自序外又有西蜀趙夔序云三十年中殫精竭慮心力盡於此書今乃編寫刊行是夔亦曾注斯集矣前列百家注姓氏共九十六人又傳藻撰東坡紀年錄乃茅維芟闕刻以行世與四庫著錄相合經杭大宗通部圈點加評其上大宗諱世駿號堇浦晚號秦亭老民仁和人雍正甲辰舉人乾隆丙辰薦試博學宏詞列一等授編修有道古堂集學博而好大言嘗謂坡公之詩可肩隨之故稱爲蘇大哥其評論自有獨見又黃燦步唐以朱筆加點手記歲月孫顥元亦以朱筆校錄邵氏王注正譌馮氏王注辨訂可謂精核者矣有顥元花海閣過孫氏花海藏書譜印按步唐諱孫瀛號句湖仁和人乾隆壬子舉人官直隸肥縣知縣顥元字華海仁和人諸生藏

書甚富尤精鑒別

重編東坡先生外集八十六卷 明萬曆刊本

吳焯繡谷薰習錄載此書云此編坡公前後二集未錄之文萬  
歷戊申濟南康丕揚視鹺兩淮日所刻有序瑯琊焦竑晉巽毛  
九苞並序之序中只稱向有外集一書而已不詳編自何人其  
卷前載坡公集名如南行集坡梁集錢塘集超然集黃樓集眉  
山集武功集雪堂集黃岡小集仇池集毗陵集蘭臺集真一集  
岷精集揆庭集百斛明珠集玉局集海上老人集東坡前集後  
集東坡備成集類聚東坡集東坡大全集東坡遺編并有跋云  
如上諸集詳加校讐輒以類附合一爲編名曰外集親蹟出於  
先生孫子與凡當時故家者皆在庶幾觀是集者非前後二集  
則先生之文無復逸遺之憾據跋語似出舊人所編且諸集在  
當時各有單行後人又不可不知也此本康熙兩序已失惟存

毛序稱直指康臺董治兩淮離政暇出所藏先生外集鈔本二種屬苞校讐刻之維揚苞參攷經史及先生全集志林諸書若原本若贍本若刻本凡三厯心日訂定譌謬必不可解存舊闕疑云云似非明人書帕本之草草者而四庫館以外集之名殊無根據竝稱得之祕閣不知明代之書盡於楊士奇張萱所錄二家之目不載竝又何從而得之此直竝以意刪併託之舊本耳惟按文獻通攷載陳振孫書錄解題有東坡別集四十六卷謂坡之曾孫給事嶠刊家集於建安大略與杭本同麻沙書坊又有大全集兼載志林雜說之類亦雜以穎濱及小坡之文且間有譌偽勦入者有張某爲吉州取建安所遺盡刻之而不加攷訂中載應詔策論蓋建安本無應詔集也以此目核之大略相近攷坡公七集無別集之目或者外集卽別集乎况原跋所稱親蹟出於先生孫子正合給事嶠刊家集於建安情事又

羅列當日單行集名似尙資攷證者况附存書在今日較著錄本尤爲難得蓋著錄者或翻刻或傳鈔其本尙多附存者既不重視易於漸滅故援王見大蘇海之例而登其籍也

東坡禪喜集十四卷

明刊本

眞寶居士馮夢禎批點卽空居士凌濛初輯增

徐長孺嘗取蘇公談禪之文集爲一編唐元徵序之濛初更爲增訂又與馮開之各加評語以套版傳之陸樹聲陳繼儒并有序濛初自爲後跋時在天啟辛酉也濛初字稚成烏程人有程日榮印葵園二印

樂城集五十卷後集二十四卷三集十卷應詔集十二卷

明刊本

宋西蜀蘇轍子山著明東吳王執禮子敬顧夫敘禮初同校

轍乃洵之次子年十九與兄軾同舉進士第二十舉直言擢商州推官以兄罪謫筠州監酒宣仁臨朝相溫公擢中書舍人代

兄爲翰林學士旋拜尙書左丞紹聖初責置雷州後北還政和二年卒蘇氏望趙郡欒城元魏時屬趙郡集或以名正集皆元祐以前作後集乃元祐九年至崇寧四年所作三集則崇寧五年至政和元年所作有穎濱遺老自引應詔集乃其孫籀集其策論與應試諸作也卷數俱與晁陳兩目合宋時刊者爲東萊呂祖謙編注君峯吳炎校勘題穎濱先生文集作二十一卷篇篇有論斷使覽者一目了然眞希見之冊此則王願兩氏同校清夢軒藏版首列本傳謠議舊有宋淳熙時鄧光及其曾孫誦開禧時四世孫森跋語三則此已闕有不少布衣麤飯高懷自賞鶴問花靜短李澍仙譜印

山谷內集詩注二十卷外集詩注十七卷別集詩注二卷

明初刊本  
項藥師

天社任淵青神史容青神史季温

淵字子淵新津人紹興乙丑文藝類試第一官至潼川憲天社者新津山名也政和間注山谷詩二十卷自有序鄱陽許尹序稱子淵博極羣書尙古人既爲注解且爲原本立意始末以曉學者非若世之箋訓但能標題出處而已外集十七卷題薈室史氏注前有嘉定元年晉陵錢文子序稱公蜀青衣人名容號薈室居士仕至大中大夫晚謝事著書不休更有容自序云山谷內集已有注而外集未也疑若有所去取焉者豈山谷之意哉秦少游云魯直并帶焦尾兩編文章高古今時交游中未見其比焦尾弊帶卽外集詩文也此續注之所不得已也淳祐庚戌孫季溫有後跋季溫字子成舉進士寶祐中官祕書少監更注別集爲三卷任史兩注其精要慮尤在攷核出處時事集其大綱系於目錄每條之下使讀者因其歲月知其遭際得以推求詩旨洵乎注因詩傳而詩亦因注以傳也此本明成宏間

所刊卽錢遵王稱目錄中脫去二版者是也丙集卷首有沈廷芳印椒園二印又惠棟之印字曰定字二印外集別集卷首有橋李項藥師藏曾沂過眼潘曾沂讀過諸印蓋同版異印配合而成也

山谷內集詩注二十卷目錄一卷年譜附

影明宏治刊本

天社任淵

右卽影寫讀書敏求記所稱舊刻山谷詩注本也目錄宿舊彭澤懷陶令條下注云舊本自此以上缺一版以後諸題例之前各題下皆當有注脚今詢無此本姑列各題如右儻後得之當別補入云顧舊刻前序每爲書賈匿去僞充宋刻此猶影寫紹興鄱陽許尹撰豫章詩解序又宏治丙辰春三月南京翰林院侍講學士郡人張元楨序序云先生魯直庭堅名字也山谷宋到今卽其自號而尊稱之者爲人慈祥其德行於孝友殊篤其



節操不以夷險貳吾晦庵朱子稱以粗爲向上在此東坡譽以  
超軼絕塵獨立萬物之表陳后山評以得法杜甫學杜而不爲  
又論詩者謂江西詩祖甯南昌屬縣先生其縣人縣閭右有陳  
鳳岐者知重先生圖刻其詩文以諗於予予遍訪莫得斯集乃  
今提學僉憲莆田黃未齋仲昭家故所有者未齋愛之每篇以  
自隨行縣次甯勸督暇出示諸生時鳳岐已物故其沛沽二子  
躍然跣請茲先人嘗圖刻於張東白內翰弗得而卒公幸賜焉  
一以彰先正久晦之遺文一以終先人之志而瞑其目於地下  
公喜亟與之更躬爲校正以成二美刻既沛來謁序歸之然則  
宋刻之後宏治間難得已如是今聚珍版卽從此本出也

山谷詩集注二十卷目錄一卷年譜一卷 日本翻宋經定本

豫章黃庭堅魯直

陳氏書錄解題新津任淵注黃山谷詩二十卷鄱陽許尹爲序

大抵不獨注事而兼注意用工爲深此日本寬永己巳翻紹定  
閩中刊本前有淵二序一云山谷老人之詩盡極騷雅之變故  
其詩一句一字有歷古人六七作者蓋其學通乎儒釋老莊之  
奧下至醫卜百家之說莫不盡摘其英華以發之於詩始山谷  
來吾鄉余得以執經焉因取其詩略注一二第恨寡陋弗詳其  
祕云時在政和辛卯鄱陽許尹序時在紹興乙亥後有紹定壬  
辰黃埴識云先太史詩編任子淵爲之集注版行於蜀惟閩中  
自坊本外未之見豈非以平生轍迹未嘗至閩故耶家藏蜀刻  
有年試郡延平以鈔諸梓而錢曾讀書敏求記云山谷詩注目  
錄中宿彭澤懷陶令題下注云舊本自此以上缺二版以後諸  
題例之前各題下皆當有注腳今詢無此本姑列各題如右儻  
後得之當別補入今吾家所藏二葉宛在卷首各題下註腳俱  
全宋本之難得遇如此此本有焉幾有諸夏之亡之歎

明河南道監察御史魏卻崔邦亮選

右崔氏邦亮選錄山谷之文崔銜後尙有工科右給事中前翰林院庶吉士大梁張同德校河南左布政使武陵姚學閔閣二行前有萬曆二十七年南京戶部山西司主事汴南張右德序與同德兄弟進士也序稱直指除虞崔公淹貫千古搜剔萬象夙稱文匠忠毅任事邇者觀風中土如藩邸遊盤礦金抵納暨稅役咆哮公談笑立辦以消旣胎經術經世豈徒詞賦云哉若夫棄取中程鑄累無爽卽魯直復生當首肯朗鑒云纒谷薰習錄收錄此帙

豫章黃先生簡尺二卷

明嘉靖刊本

曹德圃藏書

黃庭堅魯直前甯州知州婺源葉天爵知州九谿喬遷

按文節公全集爲正集三十卷外集十四卷詞一卷別集二十

卷簡尺二卷年譜三卷明嘉靖時西蜀徐岱巡按江西屬前甯  
州葉天爵新守喬遷得元本梓之自爲序此簡尺乃所刻之一  
種也有構李曹氏一印

右別集類五

善本書室藏書志卷二十七終

善本書室藏書志卷二十八

錢塘丁丙松生甫輯

集部七

後山先生集三十卷

明宏治刊本

何義門校朱竹垞藏

彭城陳師道履常著茶陵陳仁子同備編校南陽王鴻儒懋學重校彭城馬暉廷震繡梓

師道字履常一字無已號後山彭城人元祐中侍從合薦起爲太學博士紹聖初以進非科舉罷建中靖國初入爲祕書正字卒年四十九門人魏衍離詩爲六卷類文爲十四卷政和五年謹撰集記此本宏治間山西提刑按僉南陽王鴻儒序稱錄於仁和陳氏潞守馬君暉先生同郡也景仰高風購求遺稿近二十年聞子有是集欣然請錄付梓并刊政和丙申元城王雲天社任淵題語凡詩十二卷文八卷談叢六卷理究一卷詩話二

藏書志卷二十八

卷長短句一卷末有潞州儒學廩膳生員郭銘繕寫一條卷眉錄康熙己丑何義門校語有竹垞藏本一印

后山詩注十二卷

明宏治刊本

天社任淵

直齋書錄解題後山詩六卷新津任淵子淵注鄱陽許尹爲序以魏衍集記冠焉此本目錄前有淵引云讀后山詩大似參曹洞禪不犯正位切忌死語非冥搜旁引莫能窺其用深意處此詩注之所以作也近時刊本參錯謬誤政和中王雲得魏衍親授本編次有序歲月可攷今悉據依略加緒正詩止六卷益以注卷各釐爲上下及明宏治丁巳石淙楊一清識此書後云后山自謂不及山谷晦翁以山谷詩近浮薄乃后山所無子尤酷愛后山嘗攜其遺稿過漢中憲副朱公恨世無完集不與歐黃並行遂屬知府袁君宏加版刻焉顧譌脫太甚丙辰南歸獲定

本於江東故家朱公喜如得重寶復屬哀君再版以行精善奚  
翅什百當卽錢遵王所謂后山詩注雖有舊版行世僅而得見  
今距遵王時又二百餘年傳本更稀不又重可寶哉

宛邱先生文集七十卷附同文倡和六卷

紅葉山房鈔本

張耒文潛

耒楚州淮陰人舉進士爲臨淮簿壽安尉咸平丞召爲太學錄  
元祐初爲正字遷著作郎兼史院檢討擢起居舍人知潤州徙  
宣州責監黃州酒稅徙復州起爲通判黃州移知兗州復知汝  
潁兩州再坐元祐黨落職主管明道官又貶房州別駕黃州安  
置尋得自便居陳州主管崇福宮年六十卒案文獻通攷作柯  
山集一百卷葉石林序宛邱之名似出後人彙集者所改此鈔  
本有傳無序 四庫著錄者是也後同文集乃居館閣時倡和  
之什同文諸人鄧忠臣字慎思長沙人熙甯三年進士仕至攷

功郎耿南仲開封人登第仕至尙書左丞門下侍郎曹輔字載德南劍州人中詞學兼茂科仕至御史中丞拜延康殿學士簽書樞密院事集中稱子方者疑卽輔而播芳文粹任正一字子方俟攷晁補之字无咎鉅野人進士歷禮部郎中蔡肇字天啓丹陽人進士第歷中書舍人李公麟字伯時舒州人進士第歷禮部侍郎出知洪宣二州余幹字樛年見播芳文粹商倚柳子文及名向名益者俱未有攷烏絲關版心有紅藥山房鈔本六字

張右史文集六十卷 舊鈔本

宋譙郡張耒文潛著

晁公武曰文潛弱冠第進士仕至起居舍人嘗爲宣潤汝宛穎五州守又嘗居黃州復州最後居陳以沒元祐中蘇氏兄弟以文章倡天下號長公次公其門人號四學士文潛少公客也諸



人多早歿文潛獨後亡故詩文傳於世者尤多按南宋初此集已有四本爲十卷爲三十卷爲七十卷爲一百卷見於周紫芝書謙郡先生文集後者也 四庫所收乃七十六卷本 武英殿聚珍所印名柯山集乃五十卷本明時所刊乃三十卷本而金氏文瑞樓書目七十六卷外又有補遺六卷當爲最多之本此本六十卷題張右史文集汲古閣珍藏祕本書目亦六十卷注云張耒世所行文潛集纔十之五右史集乃稱大全吾知汲古斷非苟言耳

宛邱先生文集七十六卷補遺六卷

鈔本

按金星輶文瑞樓書目云文潛柯山集讀書志載有百卷而行世之鈔本祇六十五卷名右史集茲集宋子蔚如從其友人借鈔之本比前本卷數略多前後參差訂爲七十六卷又多補遺六卷仍未符百卷之數此清吟閣瞿穎山從鮑以文借文瑞樓

舊藏本依式刊格重爲鈔校兵燹後祇存一十八卷目錄二卷  
配以小山堂舊藏影宋本二十五卷中有屬樊榭朱則齋校字  
又鈔補三十三卷以成全書其補遺六卷又缺其一

張文潛文集十三卷

明嘉靖刊本

起居舍人張耒文潛

前有嘉靖甲申江都馬駙序云龍渠子嘗得宋集本取而刻之  
蓋昔人選本有文無詩文潛慷慨豪雋其論有取於漢武蓋愆  
本朝兵弱受侮二虜宅文蓋三致意焉今疆宇全盛遠過於宋  
而兵弱虜驕遠慮者所當切心是集一出異同機會之間將無  
有起予者乎末有龍渠山人郝梁謙云予刻文潛集愛其文也  
而紫泉之論主於意曉予豈有是心哉按集中慮遠擇將審戰  
諸篇宛邱集中所無固知耒之文散佚者眾矣

淮海集四十卷後集六卷長短句三卷

明嘉靖己亥刊本

秦觀少游

觀高郵人登進士第元祐初除校勘黃本書籍紹聖初除名編  
隸橫州遇赦北歸至藤州卒宋史文苑傳稱觀與兩弟觀觀皆  
知名而觀集獨傳集舊爲三十卷見晁志又淮海間居集十卷  
淮海詩餘一卷宋史謂文集四十卷蓋合前二集而言也經籍  
攷歌詞有淮海集一卷卽詩餘也版舊藏國子監歲久漫漶儀  
眞黃雪洲中丞瓚刻於山東高郵州守張縱參校監本黃本再  
刻於鄂州旣而鄂版燬於火高郵州守胡氏表復刊使江都盛  
儀爲序并列宋史本傳與張縱原序又使縱弟繪爲後序

淮海集四十卷後集六卷

明山東刊本

秦觀少游

此本前後無序跋又無長短句三卷刊版較大於嘉靖本按張  
氏縱序云北監舊有集版歲久漫漶近日山東新刻不全予適

以二集相較刻之郡齋所謂不全者殆因未刻長短句耳然則此集爲儀眞黃雪洲中丞瓚先刻於山東者歟按山東通志職官表巡撫都御史黃瓚南直隸人正德間任

淮海集四十卷後集六卷長短句三卷

明萬曆戊午刊本

宋高郵秦觀少游撰明仁和李之藻振之校

右爲明萬曆戊午敕理河道工部郎中仁和李之藻校刻高郵州知州海鹽王廷俊同校同列名參閱者則同知階州蹇遇泰判官漳州康萬有浮梁曹一誠署學正晉江韋泰福訓導潁州王文炳鄒縣趙一介陽城閻敬貢生王應元庠生陳有典張承華毛一駿朱邦道薛希夔李應軫吳光範張廷璋陳吾道王百祥王百順而之藻序其前曰方其壯歲登朝致身史局才名重於海內第令肯稍脂韋卽拾級可躋宰執乃獨守道不阿瘴鄉投骨坐朋黨坐增損寶錄又坐謁告寫佛書紹聖諸奸渠何怨

之修而相窘若是少游守死善道無媿此哀余所爲三復遺文重爲警校也同時巡按太原姚鏞並爲序并刻張縵盛儀舊序及王應元撰郡志本傳

濟南集八卷文粹二卷補遺雜記一卷

舊鈔本

宋李廌撰

廌字方叔陽翟人宋史入文苑傳文獻通攷載濟南集二十卷引陳振孫曰鄉貢進士李廌方叔撰又號月巖集東坡知貢舉得試卷以爲方叔也置之首選已而不然賦詩有平生謾就古戰場過眼還迷目五色之句後竟不第集久散佚館臣從永樂大典中輯出釐爲八卷此本又附文粹兩卷蓋錄自蘇門六君子文粹者又補遺一卷後有知不足齋識語別藏一本止存詩四卷而卷前爲沈叔埏手記石林詩話養病漫筆澗泉日記師友談紀中及方叔數條字畫疏秀似四卷後失去一帙耳

濟南集八卷 十萬卷樓鈔本

宋李廌撰

右爲十萬卷樓鈔本有王端履字福將號小穀印及昔者吾友嘗從事於斯矣二印

參寥子詩集十二卷 明刊本 汪季青藏書

宋智果禪師道潛參寥著

道潛姓何氏初名曇潛於潛人別號參寥子妙總大師哲廟所賜號也陳后山序謂大覺老之嗣眉山公之客少游氏之友晁公武謂其詩清麗不類浮屠語陳振孫謂參寥子者用莊子語馬貴與文獻通攷云十二卷晁陳兩家書志同黃蕘圃有宋刊本云世行本向傳有二以法嗣法穎編者爲勝此本前有陳無己序次金城黃諫序後行錄附智果小景乃崇禎間汪然明汝謙偕鮑君從構李叢林中搜得原本詮度成帙附以東坡稱賞

道潛之詩及陳眉公摘秦少游集中參寥詩簡等篇而綴以語  
水吳之屏甬東楊德周及汝謙自序有古香樓休甯汪季青家  
藏書籍摘藻堂藏書印平陽季子收藏圖書諸印書雖明刻流  
傳極稀近借張春岫重潛參寥泉錄副本付智果寺僧收藏

寶晉英光集六卷

趙氏鈔本

襄陽米芾元章著

宋史本傳米芾字元章吳人也以母侍宣仁后謫郢舊恩補官  
召爲書畫學博士賜對便殿上其子友仁所作楚山清曉圖擢  
禮部員外郎出知淮陽軍張雨小傳云芾愛潤州江山因定居  
北固酷好古法書家藏二王真蹟故號寶晉齋紹定壬辰鄂國  
岳珂仕潤旣闢祠復攜放失編爲是集以序稱山林集舊一百  
卷今所蒼粹附益未十之一末有張丑記云寫本寶晉英光集  
六卷吳文定公原博故物也萬曆丁巳中秋十日獲於公之四

世孫所校讐之次摘錄劉孫二公四詩於後以志梗槩將授梓以廣其傳云按金星韜文瑞樓書目云此書有查荆菴跋云集六卷叢書堂版舊鈔吳文定公故物也已爲張青甫改竄雜取吳中贗跡增至十卷將以行世余恐其亂真亟取故本錄之此本版心爲星鳳閣正本趙某泉手鈔字極疏朗有趙輯甯印及古歡書屋印乃淺山趙氏舊帙也

寶晉英光集六卷

勞氏寫本

襄陽米芾元章著

此本仁和塘棲勞氏權平甫手鈔英光六卷本而以知不足齋鈔傳山林拾遺八卷本校其上補錄蔡肇撰南宮墓誌及米憲識後之語復錄萬歷間李戒庵誦兩跋其一云序稱山林集百卷今所薈粹附益未十之一正所謂止六卷也焦氏館閣書目稱寶晉集十四卷豈別有書歟又坊間宋元名人刻集米詩強



半在此集外其與此合者或不免字句之異未知所從本也百卷十四卷俱不可得見且存此六卷而已不必雜取吳中贗跡爲貂之續矣按黃蕘圃士禮居藏書題跋記所載與此同末有勞舜卿丹鉛精舍玉參差館蟬蠶勞權平甫諸印

寶晉山林集拾遺八卷

影宋嘉泰刊本

山林集百卷靖康之亂其子友仁避難溧陽失不復存其孫憲哀聚五十年自書史畫史硯史外其他詩文僅百餘篇鏤版於筠州郡齋題曰拾遺自識卷後前冠左承議郎敷文閣待制蔡肇所撰故南宮舍人米公墓誌時在嘉泰改元歲次辛酉也此本影寫每半葉十行行十六字後有題云南宮山林集嘗見鈔本六十卷茲則其孫憲所刻拾遺爾嘉靖己酉六月甲子鄞豐道生觀於錫山華中甫眞賞齋今以寶晉英光集互校得多詩文數十篇英光集刊於紹定壬辰僅後嘉泰辛酉三十年不知

倦翁何以未見憲之拾遺耶當兩書竝存以合雙璧

石門文字禪三十卷

明刊本

宋江西筠溪石門寺沙門釋德洪覺範著門人覺慈編錄

德洪亦名惠洪筠州人大觀中游丞相張商英門商英敗洪坐謫朱崖著有冷齋夜話十卷書錄解題稱其文俊偉不類浮屠氏詩則好爲綺語特清新有致集爲其門人覺慈所編釋藏久爲登錄此支那刊本萬曆丁酉徑山興聖萬壽禪寺募緣重刊前有釋達觀序鈐有周氏乙盦秋水珍藏兩印

倚松老人詩集二卷

十萬卷樓鈔本

饒節德操

節臨川人夙有大志既不達又與曾布論新法不合往往登屋危坐浩歌慟哭達旦乃下又嘗醉卧泮水遇客舟救免乃祝髮於靈隱更名如壁逸於襄陽之天甯寺自號倚松道人張泰來

嘗爲小傳宋藝文志稱倚松集十四卷今止二卷大半爲僧以  
後所作卷首別題江西詩派四字殆從宋人編江西詩派集中  
摘出者此爲舊鈔藍格版心刊有十萬卷樓鈔本六字

長興集四十一卷今存十九卷

吳石倉校補本

龍岡閣學士沈括存中著

括錢塘人登嘉祐八年進士熙寧中官至龍圖閣待制坐事謫  
均州團練副使復光祿少卿卜居潤州著夢筆溪談多載朝廷  
故實耆舊出處爲文宏贍淹雅具有典則書錄解題載集四十  
一卷年久缺佚今僅存卷十三起至三十卷又第三十二一卷  
餘盡湮失此本後有康熙戊戌石甌山人吳允嘉手跋云存中  
與文通爲叔姪行今三沈本先西溪而後長興以卑冠尊義不  
可解或以文通之孫元用曾守處州此必元用所刊自尊其祖  
又或因宋史附括遼於遺傳敘次殆依史傳二說雖近是因攷

長興集首尾皆缺若先長興則開卷卽是十一卷起殊無眉目此其所以後之歟茲從他書中搜存中騷賦詩歌得若干篇補其首卷又據序說諸篇爲兩卷冀漸成完書并沈氏先世制敕墓誌更附於末不無小補云有州來氏藏書記吳允嘉印石倉手校諸印

西塘先生文集十卷

明萬曆刊本

宋鄭俠撰俠字介夫福清人治平四年擢進士科調光州司法參軍監安上門時久旱乃以本門所見飢民及新法之不便者爲圖狀發馬遞經銀臺投進神宗觀圖感悟命馮京等量罷新法十八事開倉賑飢民下青躬詔三日大雨王安石入賀上出俠疏圖示之而附麗新法之呂惠卿旣憾俠復欲傾王安國遂并陷之俠旣深譴新法仍行宋之禍患成矣遺集乃公之孫嘉正編刊隆興二年大資黃祖舜爲序乾道丁亥瀆熙改元侍郎

林公丞相史公先後鈔版於九江福州迨嘉定庚午公元孫提  
領建康府贍軍酒庫元清復爲錢之萬厯己酉禮部尙書兼東  
閣大學士同里葉向高從祕閣得其本謂詞格大較不能出宋  
人上而於君臣朋友之際忠愛惻怛之情淋漓反覆不能自己  
蓋亦屈大夫賈太傅後所僅見者錄寄南都授同郡董崇相陳  
元凱曹能始汰爲九卷附錄史傳謚議等文同郡陳勳又爲後  
跋惜不得再覩宋人之舊矣

雲巢編十卷

吳石倉鈔校本

太常寺奉禮郎審官西院主簿沈遼睿達著

遼乃邁之親弟也以兄任爲壽州監酒久之以奉禮郎攝華亭  
縣事初受知於王安石後因安石更張法令不相得而去揮塵  
錄載其爲人書需帶內侍傳入禁中遂致削籍而史傳言其攝  
華亭縣時使者適有風讞因縣民忿爭事文致其罪下獄流徙

自永徙池築室齊山號雲巢集因以名舊二十卷文獻通攷所載祇十卷與此相合亦宋高布括蒼所刻三沈文集之一也吳石倉据而鈔校有吳允嘉印石倉手校州來氏藏書記諸印

景迂生文集二十卷

小草齋鈔本

嵩山景迂生晁說之字以道一字伯以

說之元豐五年進士元祐初蘇文忠范太史曾文昭皆薦之坐元祐邪黨廢棄靖康末始爲從官建炎三年正月七日沒年七十有一集凡二十卷前三卷爲奏議四至九卷爲詩十卷爲易元星紀譜十一卷爲易規十一篇又堯典中氣中星洪範小傳各一篇詩序論四篇十二卷爲中庸傳及讀史數篇十三卷儒言十四卷爲雜著十五卷爲書十六卷爲記十七卷爲序十八卷爲後紀十九二十卷爲傳墓表誌銘祭文此本卷十之十五十九二十兩卷爲謝在杭小草齋鈔本餘以新舊鈔補完

嵩山文集二十卷 舊鈔校本

嵩山景迂生晁說之字以道一字伯以

晁公武曰從父詹事公諱某字以道文元公元孫少慕司馬溫公爲人自號景迂生年未三十蘇子瞻以著述科薦之元符中上書居邪中等博極羣書通六經尤精於易傳邵堯夫之學著太極傳摛紳高其節行嘗守成州時民訴歲旱公以十分盡蠲其稅轉運使大怒督責甚峻因丐老歸靖康初以著作郎召還遷祕書監免試除中書舍人兼太子詹事俄以論不合去國建炎初終於徽猷閣待制紹興二年公孫子健謹記云先大父遺文求訪三年得上朝廷章九古律詩三百一十有二易規十有一洪範小傳一詩之序論四雜文十有七書十有六序十有三墓誌等九詩贊銘題跋四十有九編成十二卷乾道三年又記云紹興初子健編集所得之文止成十二卷及宦游江浙蜀淮

荆襄往來博訪所得加多重編爲二十卷謹鍍木於臨汀郡庠  
此本行款悉依宋錄不知誰氏通部丹筆點校可寶也

溪堂集十卷

舊鈔本

臨川謝逸撰

逸字無逸臨川人布衣而名重縉紳於書無所不讀於文無所  
不能有韻之言尤超軼絕塵性峻潔好從衲子游朱世英守撫  
日以德行薦於朝不得已詣之信宿而返所著文集二十卷載  
於文獻通攷又詩集五卷補遺二卷詩餘一卷皆佚此館臣輯  
自永樂大典者釐次尙得十卷

謝幼槃文集十卷

舊鈔本

宋謝邁撰邁字幼槃臨川人宋藝文志陳氏書錄均作竹友集  
十卷與此相合後錄建康苗昌言撰紹興辛未刊二謝文集三  
十卷舊序並宋砥陸旻苗昌言嚴仲遂趙士鵬及淳熙間重修



趙煇職名又呂本中跋及謝肇淛黃晉良林佶朱彝尊王士正  
諸題記

濟北晁先生雞肋集七十卷

明仿宋刊本

怡和齋書

宋晁補之撰補之字無咎鉅野人元豐間舉進士禮部別試皆  
第一元祐中除校書郎紹聖末謫信州監酒稅大觀中起知泗  
州後入元祐黨籍七歲能屬文越十年爲文曰七述敘杭之山  
川人物之盛麗蘇長公見之歎曰吾可以閣筆矣元祐九年嘗  
以食之無所得棄之則可惜之義自名其集曰雞肋綴以小跋  
紹興七年弟謙之題曰從兄無咎著述甚富元祐末在館閣時  
嘗自製其序宣和以前世莫敢傳自捐館舍逮今二十八年始  
得編次爲七十卷刊於建陽蓋其時謙之方權福建路轉運判  
官也是本爲顧凝遠青霞所刊有識曰明吳郡顧氏於崇禎乙  
亥春照宋刻壽梓至中秋工始竣版心有詩瘦閣三字有明善

十原書三卷之二  
十一  
堂覽書畫印記安樂堂藏書記印

具茨晁先生詩集一卷 晁氏寶文堂刊本

澶淵晁冲之叔用

文獻通攷作集三卷此則分體不分卷前有紹興十一年陵陽  
俞汝礪序稱叔用之子公武來謁曰先公平生多所論著自丙  
午之亂埃滅散亡今所存者特詩歌二百許篇涪陵太守孫仁  
宅既爲饑諸忠州鄧都觀敢丐一言以發之方紹聖初天下偉  
異豪爽純特之士離譏放逐晁氏羣從多在黨中叔用宅幽阜  
蔭茂林世之網羅不得而嬰也暨朝廷諸公謀欲起之迺復任  
心獨往世之榮利不得而羈也至疾革乃取平生所著聚而焚  
之世之言語文章不得而污也吁乎吾於叔用豈直以詩人命  
之哉劉後村曰俞汝礪所作序筆力浩大與叔用之詩相稱余  
讀叔用詩見其意度宏闊筆力寬餘一洗詩人窮餓酸辛之態

吳邵樂園朱先生餘藁十卷附錄一卷 明倫宋鈔本 怡府藏書

姪孫中奉大夫知漢陽軍事賜紫金魚袋思稟次

朱長文撰長文字伯原蘇州吳縣人年未冠登進士乙科俄墜馬傷足不能仕築室樂園坊著書聞古吳人化之元祐初特起鄉校復召居太學紹聖間除祕書省正字兼樞密院編修文集舊百卷罹建炎兵火之難紹熙甲寅姪孫思搜訪餘稿得古律詩大小百六十有三記五序六啟七墓誌五世譜題跋祭文賦書銘各一類爲卷十募工銀木又以誌銘墓表國史等篇附於卷末此依宋鈔凡構字慎字均書高宗廟諱孝宗廟諱有明善堂覽書畫印記安樂堂藏書記兩印

吳郡樂園朱先生餘藁十卷 盧抱經鈔校本

姪孫中奉大夫知漢陽軍事賜紫金魚袋思稟次

後有乾隆四十有二年東里盧文昭抱經氏手跋云著書滿家

不幸而無章履幅之傳者比比是也宋朱伯原氏有文三百卷經兵燹亡失其從孫思掇拾補緝僅得三十之一而已名曰樂圃餘稿不必皆生平文字之至者然而流傳五六百年不衰猶幸也夫伯原吳人舉乙科以足疾不仕窮經闕古世皆知其賢起教授鄉邦爲諸生說春秋後又以之教國學著春秋通志二十卷今亦佚矣獨墨池編二十卷世尙有版行本他所著圖經琴史不能定藏書家之有無也人生何必爲達官要職如伯原氏官不過正字所盡者不過師儒之職而當時貴之後世慕之其所居樂圃之坊名至今未改也學何負於人哉當善用其長毋強用其短伯原氏可師也安在其無能庶幾乎此跋半爲自家寫照刻於抱經堂全集中學士圖記已爲扯去鈔校固極

精審

龍雲先生文集三十二卷

明宏治刊本

宛平王氏穎川劉氏珍藏

安成劉夤偉明

周益公必大序曰公諱夤字偉明居安福之龍雲鄉先是汴京及麻沙刻公集二十五卷紹興初會昌尉羅良弼徧求別本纂增至三十二卷凡六百三十餘篇嘉泰三年賢守豫章胡元衡欲廣其書予極屬羅尉之子泌繕寫定本授侯刻之羅良弼序後云先生甫壯首鄉薦擢進士第繼中博學宏詞科元符改元進南郊大禮賦君相動色以爲相如子雲復出卽除祕書省正字稍遷著作郎高麗傳誦其文力請於朝將待以賓師之位而降年不永竟卒於官平生所爲文漫散莫收惜其流落冥搜博訪得彭德源曾如晦編本又得宏詞時議諸篇於內相郭明叔家合而次之宏治乙丑延平劉璋又序云吾閩大參安成劉公旬宣來延平語余曰天順間先君始得龍雲集於彭文憲公出自祕閣窮晝夜手鈔乃有是書將鈔梓屬子爲序云云此先後

傳刻之源流也有宛平王氏家藏慕齋鑒定胡氏茨村藏本類  
川錙攷功藏書印疊爲 國初名家收藏珍可知已

龍雲先生文集三十卷

舊鈔本

曹倦圃藏書

安成劉夤偉明

此乃依宏治刊本而繕錄者有曹溶之印潔躬明善堂覽書畫  
印記安樂堂藏書記宣城李氏隴礪石室圖書印記

雲溪居士集三十卷

舊鈔本

宋華鎮撰

鎮字安仁會稽人元豐二年進士官至朝奉大夫知漳州軍事  
此 四庫館採錄永樂大典本也前錄紹興十四年六月日右  
朝散郎監行在權貨務都茶場賜緋魚袋臣華初成上表稱先  
臣鎮係志斯文當哲皇徽宗朝嘗有述矣召試博士如孫覺疊  
稷輩更相推挽既艱遠業之圖尤重空言之託臣用是載在方

冊悉送上官雖未能碑丁部之多亦庶幾塵乙夜之覽今有先  
臣雲溪集一百卷揚子法言訓解一十卷書說三卷會稽覽古  
詩一百三篇并目錄二十五冊謹繕寫隨表上進又紹興癸亥  
八月晦日資政殿學士左朝奉大夫知紹興軍府事兩浙東路  
安撫使馬步軍都總管樓炤序稱君之文精深典贍而詩道麗  
逸發其他眾制爛然皆有體則非涵養蓄蘊之厚不能發之如  
此也今揚子訓解諸書已不傳卽雲溪亦僅三之一矣

演山先生文集六十卷

舊鈔本

振綺堂汪氏藏書

宋黃裳撰裳字冕仲南平人元豐五年進士第一累官禮部尙  
書宋史有傳演自序云演峯延平之北山峯下三支中一支州  
宅向至於劍潭之濱予宅在焉故以演山名集更有權知温州  
軍州莆田王悅序云公之高文大冊汪洋瀚漫不知紀極在韋  
布初收拾遺稿已四十卷自爲之序旣而歷華要階常伯不倦

著述所積愈多類而析之卷凡六十與書錄解題相合焦氏經籍志作黃裳演山集四十卷者乃從其初編之數耳此舊鈔本有汪魚亭藏閣書一印

姪溪居士文集五十卷後集二十卷 舊鈔本 汪魚亭藏書

宋李之儀撰之儀字端叔景城人元豐中舉進士元祐初爲樞密院編修官通判原州元符中監內香藥庫罷後提舉河東常平天台吳芾序其集曰乾道丁亥假守當塗因訪古來文士居此邦有聲者惟李太白郭功父與端叔三人郡舊有太白功父集而端叔獨闕求於其家散落無遺問得之邦人類而聚之釐爲五十卷鈔版於學或謂端叔銳於進取晚節若有可疑然范忠宣公遺奏極於鯁切詆斥不顧一時用事者欲置忠宣之子於理端叔慨然謂實出其手旣而公所爲忠宣行狀復出由是得罪南遷廢錮終身不悔其勇於義若此詎可以微瑕掩之哉



既謫而南始居姑谿因以自號今以名集後集二十卷不知誰氏所編然馬氏文獻通攷已爲著錄其亦出於宋人手矣此研經樓鈔本有汪魚亭藏閱書一印

潘水集十六卷

舊鈔本

宋李復撰

復字履中先世家開封祥符以其父官關石遂爲京兆人年十六取鄉薦自以年少十年不試禮部元豐二年登進士第不就制舉方用兵靈夏時相誘爲侍從毅然卻之邊臣請造戰船戰車又力疏其非役乃罷仕至集賢殿修撰錢龜年龜朋得其文爲四十卷欲刊不果錢公孫象祖於淳熙九年守信州乃刻於公庠以成先志金谿危素供奉翰林時獲公集猶是賈似道家故籍遂摹以序永樂間錄入大典有以哉歲久又佚館臣輯爲十六卷此鈔本筆致疏朗愜目尤可珍也按前宋樓藏書志此

書有無名氏跋云樓攻媿集謂潞水先生入陝西戎幕曉暢邊事腐夫操兵以抗論不合坐廢則必忤童貫也金人犯關中年高且病乃以爲舊德強起以守秦州卒死於賊則必在靖康時矣

道鄉先生鄒忠公文集四十卷

明正德刊本

書錄解題載是書題吏部侍郎晉陵鄒浩志完撰浩元豐五年進士官至直龍圖閣贈寶文閣學士諡曰忠宋史有傳集有紹興五年李綱序曰道鄉鄒公自少時處閭里游庠序登仕途其節操風流已爲有識者所推許元符間職在諫省適有椒房之事抗章陳列遠謫萬里建中靖國間召還侍從又以直道不容於朝再謫嶺表而氣不少挫遇赦得歸作知恩堂以奉其母友其諸弟教訓其子姪所養如此故其文章高明閑達溫厚深醇信乎有德之必有言也其子柄相集公所爲古律詩賦表章四

大雜著傳記序述及紫微制草合爲四十卷將鏤版以傳於世云云宋時鏤版久燬明成化間裔孫鄒暈始得內閣鈔本正德間刻行乃宋刊後最古之本也錢塘令鄒忠允亦浩之裔再刻於萬厯間不及此之善有願從德顧氏芸閣珍藏二印

北湖集五卷

舊鈔本

宋史則禮撰

則禮字子副通攷作富川人自署興國州人爲御史中復子龍圖學士曾布壻其從兄弟立禮審禮皆登科則禮以父蔭入仕嘗爲衛尉寺主簿又遷軍器監主簿崇甯元年因臣僚言曾布與韓忠彥李清臣交通則禮外甥高茂華往來計議共成元祐之黨三年編管荆南與詩中麟昔罪臣荆投州句相合書錄解題云晚居豫章自號北湖居士殆在謫荆以後又云則禮直祕閣知虢州殆再起之職韓駒北湖集序則禮卒於虢州之後一

年其子珂綴輯詩文爲三十卷陳振孫則云北湖集十卷長短句一卷館臣以世久無傳從大典中採輯此本後又從而鈔出者也

北湖集十卷 知不足齋鈔本

宋吳則禮撰

此長塘鮑氏藏本有老屋三間賜書萬卷歛西長塘鮑氏知不足齋藏書印好書堆案轉甘貧三印

日涉園集十卷 舊鈔本

宋李彭撰

彭字商老南昌軍建昌人江西詩派圖二十五人之一書錄解題作集十卷世久不傳館臣輯自永樂大典得詩七百二十餘首仍如原編卷數未有補遺一卷

慶湖遺老詩集九卷拾遺二卷 舊鈔本

宋賀鑄撰宋史文苑傳鑄字方回衛州人初娶宗女隸籍在縣  
監元祐中換通直郎通判泗州又倅太平州食祠祿退居吳下  
嘗自言知章之後且推其本初出王子慶忌以慶爲姓居越所  
謂鏡湖者本慶湖也避漢安帝父清河王諱改爲賀氏慶湖亦  
轉爲鏡故自號慶湖遺老有集二十卷而馬氏文獻通攷陳氏  
直齋書錄均作九卷拾遺二卷卽丙子子月庚戌江夏寶泉監  
阿堵齋鑄自序亦作九卷也後有宋楊時冠翼胡澄三跋又程  
俱撰墓銘一篇其拾遺之前序仍程俱作後序則胡澄作也有  
晉賢印汪伯崑二印

慶湖遺老詩集九卷拾遺一卷補遺一卷

書鈔本

後附程俱撰墓志銘紹熙王子晉陵胡澄得其本刊之繼又得  
其孫廩所編拾遺補遺二卷併刻於後每題俱注所作年月猶  
當時原本也有程俱楊時序及賀廩胡澄二跋右烏絲關精鈔

有大雅翬畫崔德白華居士諸印

摘文堂集十五卷附錄一卷

書鈔本

宋慕容彥逢撰

彥逢字淑遇宜興人元祐三年進士復中詞科遷淮南節度推官除祕書省校書郎歷官尚書宋史藝文志集三十卷而其孫綸原序稱兵火散失搜訪分爲三十卷目以摘文堂集而淳熙十四年蒙州學教授劉興祖序稱公司鳳閣直學登八座五知貢舉天下服其文鑑之高名公鉅卿多出其門揚歷華途垂三十載惜乎位不滿德未知究其所學而恭和聖製敷演辭命忠言讜論高文大冊每篇奏御必蒙褒嘉直足以造作者之淵源垂將來之軌範也館臣從大典輯爲十五卷并謂其麗詞不乏讜論殊稀宋文鑑一字不登殆非無意彥逢幸沒於政和七年時事尙未潰裂故不致附會童蔡成其惡名可謂尙論卓絕

矣

東臺集十卷 舊知不足齋鈔本

宋毛滂撰滂字澤民衢州江山人官至祠部員外郎知秀州嘗知武康縣縣有東堂集因以名陳直齋載東堂集六卷詩四卷書簡二卷樂府二卷虞山毛子晉獨刻其樂府 四庫館臣則輯其詩文於永樂大典中尙得十卷至其人反覆於蔡卞曾布之間存而不論可已每葉有知不足齋四字

劉給事集五卷附錄一卷 舊鈔本

永嘉劉安上著

文獻通攷據陳振孫曰劉給事集五卷給事中劉安上元禮撰紹聖四年登第歷臺諫掖垣鎖闥以次對歷三郡而終集中有彈蔡京疏云惟薛嘉言行狀稱其有詩五百首制誥雜文三十卷當散佚已久矣

藏書志卷二十八

六

劉左史文集四卷附錄一卷

舊鈔本

振綺堂藏書

永嘉劉安節

安節字元承元符三年進士官至太常少卿出知饒州遷宣州卒於官嘗與從弟安上同事二程同游太學時稱二劉馬攷陳錄均作集四卷與此本合前有留元剛總序至集末漁樵問對疑以傳疑可也

竹隱畸士集二十卷

鈔小字本

直齋書錄此集作四十卷題右文殿修撰韋成趙鼎臣承之撰登元祐甲科紹聖宏詞又自號葦溪翁其孫綱立刊於復州本百二十卷刊至四十卷而代去遂止經元迄明并四十卷亦亡館臣從永樂大典中採輯勒成二十卷又攷知鼎臣爲轉運使趙侗之子詩則工巧流麗文則研練古雅尙未易覩也此本密行細字爲金唱初手錄



竹隱畸士集二十卷 鈔本 塘棲勞氏藏書

宋趙鼎臣撰

卷首題曰丹鉛精舍臧本乙卯四月歸安丁氏假錄副本有一印曰權乃仁和塘棲勞平甫之書而爲歸安丁寶書所借錄者

跨鼇集三十卷 舊鈔本

馬晁兩家均稱集五十卷此三十卷館臣後從永樂大典輯出也跨鼇者仙井山名也撰者李新字元應仙井人集以地名也晁公武云早登進士第館臣攷爲元祐庚午也劉涇薦於蘇氏軾令賦墨竹口占一絕立就詩固在集中也元符末上書奪官謫置遂州流落終身館臣就集中所攷似不盡然也並謂其初附元祐之局上書切直一經挫折卽頌蔡京與王安石趙附新局以冀遷除今讀此集正不必因其人而廢其言也

洪龜父集二卷 十萬卷樓鈔本

宋洪朋撰

朋字龜父南昌人父諱民師爲石州司法參軍性孝以毀卒朋幼孤受業於祖母文成君李氏手不釋書落筆成文尤長於詩舅氏黃庭堅嘗謂朋筆力扛鼎異日不患無聞兩舉進士不第年僅三十有八而卒清非集一卷雖載於直齋書錄久不見傳永樂大典中尙輯得詩百七十有八洵足居三洪之上矣弟炎集本不沒朋集亦得同輯於館臣惟羽字鴻父以元祐中上書入黨籍詩文竟無片楮之傳爲可惜耳有王宗炎所見書一印

忠愍集三卷

舊鈔本

宋李若水撰

若水本名若冰以靖康出使改今名清卿其字也曲周人初以上舍登第由太學博士歷官吏部侍郎從欽宗至金營力爭廢立不屈而死年才三十有五金人相顧歎息有南朝惟李侍郎

一人之語建炎間贈觀文殿學士謚忠愍館臣從大典中輯成三卷雖非宋藝文志十卷之舊然忠烈大文已噉如日月矣

唐先生文集二十卷

雍正間妻東謝氏鈔本

宋唐庚撰庚字子西眉州丹稜人紹聖中登進士第調利州治獄掾遷閬中令除提舉京畿常平謫惠州大觀間赦還道卒宋史有傳宋紹興刻本文集爲三十卷總目第二行題魯國先生唐庚著第三行題曰教授王維則校每卷有目題曰眉山唐庚子西是本二十卷與讀書志書錄解題所載相符卷首有奉議郎太府寺丞鄭總太玉宣和四年序又有弟庚溫陵呂榮義德修兩序後有紹興十一年鄭康佐跋唐文若書後近陸氏心源嘗以汪亮采刊本相校論幽燕檄文不脫書三謝詩後黎氏權厝銘目亦不脫四庫館臣所疑別永叔詩此作別句永叔其非六一益信史夫人墓誌銘昌裔今改名衍有孫七人矣不誤

浦昌裔今亦衍七孫矣較汪刻遠勝之此乃雍正丙午太倉謝  
惺泰心傅手鈔藏於尙論堂者有婁東謝氏家藏尙論堂別字  
作屢池塘春草鈔書老更癡諸印

傅忠肅公文集三卷

舊鈔本

吳石倉校藏

宋傅察撰察字公晦濟源人中書侍郎堯俞從孫也年十八登  
崇寧五年進士蔡京欲妻以女拒弗答累遷吏部員外郎宣和  
七年十月接伴金國賀正且使金將渝盟使人不來爲金人驅  
見所謂二太子幹離不者脅使拜不屈見殺年止三十有七贈  
徽猷閣待制乾道中賜諡忠肅孫伯壽哀遺稿三卷屬廬陵周  
必大爲序稱公文務體要辭約而理盡甚類獻簡詩尤溫純該  
貫間次韻愈多而愈工云云後載晁公休所撰墓銘此鈔本爲  
吳石倉允嘉校藏手題丙申十月二十八日於禾中友人陶艾  
邨案頭分得此種攜至舟中校閱有吳允嘉印石倉手校二印

卷首有提督江南總兵官印當是石倉幕游時請鈐者後從宋文鑑摘附傅堯俞讀書一篇亦石倉手寫後書歸蕭山王氏又有十萬卷樓藏書一印

傅忠肅公文集三卷

味書室精鈔本

陳振孫書錄解題載忠肅公文集三卷待制濟源傅察公晦撰按後列建炎二年晁公休撰宋故朝散郎尚書吏部員外郎贈徽猷閣待制傅公行狀云公以元祐四年十一月十六日生是日伯獻簡公拜中書侍郎因小字鳳郎蔡京欲以女妻之毅然不肯其後爲趙清獻公壻京銜之識者謂少年有器識未易量也前有周必大序此藍格精鈔本版心有味書室三字會稽傅以禮借此本校刊於福州稱其繕寫無譌洵爲善本

右別集類六

善本書室藏書志卷二十八終